

NEHEMIA STRATEGY: ZORAM SIAM THAT NAN

Rev. H. Ramthianghlina, Asst. Professor. AICS



Pathian hnam thlan Israel fate chanchinah hian thil ropui tak vawiin ni thlenga zirtur min hnutchhiah tamtak a awm a, chung zinga pakhat chu Nehemia leh a hoten Jerusalem kulh chim tawh ni 52 chhung chauha an dinthar leh chanchin hi a ni. Mihring thlirna a tanga thil theih ni a lang lo, mahse a taka thil thleng ngei ni si a ni. Engtin nge an tih? Engtin nge an tih theih? tih hi zawhna pawimawh tak mai chu a ni. Pathian hnathawh a ni tih hi hai rual a ni lo vang, chutihlaiin hmanrua, Nehemia leh a hote, hnathawh hi hmuh hmaih rual a ni lo. Pathian hnathawh ropui lang tura Nehemia leh a hote strategy-hman hi kan ram siam that nan hmanraw pawimawh tak mai a ni thei ang em! Chung strategy-te chu eng te nge an nih le.

Jerusalem kulh a chim

Khawvel khawpuite zingah hian Jerusalem khawpui chanchin hi ngaihnaawm ber te zinga mi a ni hial awm e. Israel faten Kanaan an luh khan Jerusalem hi Jebus mite awmna a ni a. Davida a lo lal khan he khawpui hi a la a (2 Sam. 5:6ff). Heta tang hian Judate khawpui a lo ni ta a ni. Davida fapa Solomona khan chu khawpui chu tilian zelin Temple ropui tak mai an sa a. khawpui chu kulh bang chhah taka hung chhuah vek a ni a. Juda hote rinnaah chuan Jerusalem temple-ah chuan Pathian a cheng a, chu khawpui chu chhe theilo leh hmelmate tan pawha hneh rual loh niah an ngai hial a ni. Nimahsela, Israel fate an sual em avangin Pathian thinurna an tawng bua a, an khawpui thianghlim Pathian khawpui tih hiala an chhal Jerusalem chu Babylon sipai tenrawn runin, an hal a, khawpui hungna kulh bang an tichim a, mipuite pawh salah an hruai a, an awp zui ta a nih kha (II Chro. 36: 13-21; 2 Lal 25:1-21; Jer. 52:1-3).

Babylon Lal awpna hnuaiiah Jerusalem kum tamtak a awm a. Babylon chu Persia lalinrawn hnehin Jerusalem pawh an thuhnuaiah an dah nghala. Persia lal Kura phalnain Babylon hoten sala an lo hruai Juda hote chu an ramah let leh phalsak niin, kum tamtak sala an tan hnuah Juda hote chu an ramah an kir leh ta a ni. Juda hote an rama an kir leh hnuah pawh Jerusalem kulh chim siam that reng reng an ngaihtuah lo. Jerusalem kulh chim siamthat a ni lova, an hmelmaten duh hun huna an pal tlang thei tih Nehemian a lo hriat chuan a vei em em mai a. Tichuan siam tha turin Persia khawpui Susan atangin anrawn kal a, mihringte thlirna atanga tih theih loh tura an ngaih siamthat hna chu ni 52 chhung chauhvin an siam tha ta a ni. Nehemia kaltlanga Pathian thilmak tih hi Israel hote history-ah thil chhinchhiahtlak vawiin ni thleng hian a la ni reng a ni. Thil mak thlen tir thei khawpa Nehemia leh a hote hnathawh dan hi hetiang hian lo thlir ila.

1. Hmangaihna leh veina: Nehemia hi Persia lal no hlantu a ni a (Neh.1:11). Hetih lai hian Persia chu tuna Middle East kan tih pumpui deuh thaw awptu a ni. Chu lal ropui tak hnuaiah chuan dinhmun sang tak chelhin, Susan khawpuiah nuamsa leh ropui takin hun a hmang thin a, chutihlai chuan a chipuite chu dinhmun chhe takah, Pathian dang biate hnuaichhiahin an awm tih leh Jerusalem kulh chim pawh siam that lohvin a awm rem rum a ni tih a hriat chuan Nehemia thinlung chu hliamin a awm a, a tap a, lungngaiin a indawm kun a, chaw a nghei nghal bawk a (Neh. 1:4). Veina leh hmangaihna nasa takin Nehemia thinlungah bu a rawn khuar a, chu chuan amah ngei chu siamthat hna thawk turin a chettir ta a ni. Nehemia *strategy*, inngahna chu hmangaihna leh veina hi a ni. Kan ram siamtha tura ke min pen tirtu hi hmangaihna leh veina tak tak a ni em! Tun dinhmuna kan ramin a mamawh ber nia lang chu hmangaihtu der ni lovin hmangaih tak taktu a ni. Hmangaihtu dik tak chuan a chhiatna turah a veng a, a thatna turin theihtawp a chhuah thin.

2. Vision tha (Hmathlir): Vision-tih hian ‘hma lama thil tha lo la awm tur hmuhlawk thiamna a ni ber ang chu! Jerusalem kulh tluchhia dinthara a awm leh tur pawh hi Pathianin vision hmangin a lo hmuh lawktir vek niin a lang. “Jerusalem tana ka tih tur Pathianin ka rilrua a dah chu” (Neh.2:12) tiin amah (Nehemia) ngeiin a lo sawi kha. Chu vision chuan Nehemia thinlung a kaihruaia, a taka a lo chan theih nan theihtawp an chhuah a, ni 52 chhungin a hlawhtlinna atakin an hmu a ni. Pathian hian kan ram awm dan tur leh kal dan tur hi duhdan a neih mai bakah, min buatsaih tum dan hi a neisa vek. Chu Lalpa Vision-tawmpui leh hrefiah pha, a taka chantir thei hruaitu leh a mite chu kan ram mamawh an ni.

3. Pathian-a rinna nghattu: Jerusalem dinhmun a hriat khan Nehemia chu “van Pathian hnenah a tawngtai,” (Neh. 1:4) tih kan hmu a. Pathiana rinna nghat tlat mi a ni (Neh. 2:20; 4:14). Persia Lal ropui thiltihtheihna ai chuan Pathiana rinna nghah a thlang zawk a, min tichaktuah chuan engkim ka ti thei (cf. Phil.4:13) tih changthlan tlattu a ni. Kan ram leh a chhunga awmte hi Lalpa ta a ni a, chumi enkawltu atan chuan tunge tha ber ang tih hi kan inzawh fo a ngai a ni. Pathian duhzawnga ram enkawl tur chuan Pathian ringtu; a duhzawng hria, a duh zawnga thil ti thin, Nehemia anga Pathian chakna rinchhan tlattu aia tha hi an awm thei lovang. Lalpa hming lam nazawng enkawlna kutah chuan kan ram hi a him lo a nih hi.

4. Mahni inbel ngamna: Engvangin nge dinhmun chhe takah Jerusalem kha a awm kan tih chuan Israel fate suahsualna vang a ni (2 Lal. 24:18-20). Dinhmun chhe taka Jerusalem a awm lai khan Nehemia erawh Susan khawpuiah a awm daih a, chuti chung chuan “Kei leh ka pa chhungte kan lo soal ta si a,” (Neh. 1:6), tiin Israel fate سوالنا zawng zawng chu amah a inbel thlap a, Pathian hnenah thupha a chawi a, zahngaihna lantir turin a dil a nih kha (Neh. 1:11). Duh ni se la chuan, ‘in soal em vanga tuar in nih hi, in tuhrah in seng a ni. He chhiatnaah hian kei chu ka tel ve hauh lo a nia’ tiin a kut a sil then thei ngei ang. Mahse Nehemia chuan a chipuite سوالنا chu a سوالناah a pawm

hmiah a ni. He a nun hian Chiang takin a chhe lai Siam tha leh tura a fit tawkzia a lantir a, a mite rahbeha an awm leh an tuar lai chu kut sil sana ral thlir mai lo vin, chhanchhuahhna thawk turin a rilru a Siam sauh sauh zawk a ni. Zoram mipui rilru sukthlek atanga kan thinlung put hmang tlangpui thlir erawh hi chuan Nehemia rau chan ang hian min chenchilh ve mawlh lovin a lang. Chawimawia kan awm theihna tur hmunah chauh tituah kan inchhal fo a, chhياتna lamah thung chuan mi dang kan mawhpuihin kan kaw k kwal leh zut zut a, mahni erawh insawifihlim hram kan tum thin. Nehemia ang hian kan ram chhياتna leh mawi lohnate hi kut silsan mai lovin keimah vang a ni tia mahni theuh kan inbel ngam a va hun tawh em. Mahni that lohna leh mawi lohna te chu Siam tha turin theihtawp kan chhuah thin hi.

5. Mahni ngei penchhuah ngamna: Nehemia chuan an lal hnenah “Judai ramah mi thlahute thlan awmna khuaah mi kaltir la, khua chu ka va din leh ang e” (Neh. 2:5) tiin amah ngei penchhuah a dil a. Lal in atang khan tawngkam chauhin a mite kha a vei satliah mai lo, hna thawk tak tak turin amah ngei a pen chhuak a nih kha. Thiltha chu mi tinte hian kan hre vek, mahse chu thiltha chu midangte tih atan kan khek deuh tlat thin. Keimahni tih turah kan ruat thin tlat lo leh hre reng chung a tih kan tum thin tlat lo hi keimahnia sual nung reng leh kan thanmawhbaw k lian tak pakhat chu a ni ve hrim hrim baw k. Party-a va luh hum hum lam a ni lem lo, voters kan nihna atangte, kan dinhmun atang zel hian thil tha ti tur leh Siam that hna thawk tak tak tura kan intuitai thar a, kan pen chhuah theuh hi a hun tawh tak zet a ni.

6. Zirchianna neih: Eng vanga Jerusalem kulh chim te kha ni 52 chhung chauha Siam tha thei nge an nih kan tih chuan ‘zirchianna’ mumal tak an neih vang tiin a sawi theih ang. Nehemia Jerusalem-a a thlen khan a tih hmasak ber chu ‘zirchian’ a ni. Mi dangte hriat lohvin zanahte chhuakin a chhe lai zawng zawng a lo en chhuak dap a, sakawr kal theih lohna hmun pawh kein a lo fang chhuak hmasa vek a ni (Neh. 2:13). Keini Mizote hi chuan kan ram zim te Siam that a ngaihna lai leh thuam that a mamawhnate hre tur hian kan beng kan chhi tha peih lovin kan mit kan meng tha duh lo viau mai a, thluak kan seng ngawrh peih lovin, ke kan pen duhlo hial emaw tih mai tur a ni. Kan beng chhiin, kan mit meng ila, keimahni ngei penchhuak ila, kan ram chhياتna leh thuam that a ngaihna lai hi chu kan hria ang a, kan tuam damin hma kan sawn tir ngei ang.

7. Beiseina thar pek: Nehemia hlawhtlinna pakhat chu Siam that hna thawk tura mipuite a tanrualtir thei kha a ni (Neh.2:17-18). Beiseina nei tawh lo, beidawng taka mi thu hnuai a kuna indawm kun tlawk tlawkte hnenah, “Hawh u! I thovang u khai; i din teh tak ang u” (Neh. 2: 18) tiin an thinlung ngui chu a kai harh a, beiseina, phurna leh chakna thar a siamsak a, Siamthat hna thawk turin mipuite chu lungru al takin ke a pentir thei a ni. Tuna Zoram mipuiin kan vei mek hri hlauhawm ber pakhat tia chhal theih chu, “beidawngna” hi a ni. Engtin nge hetiang taka nasaa mipuite beidawngna khurah kan tluk luh theih? Ngaihtuah tham tak a ni. Thil tha chu hre mah ila a taka han ti tur pawhin

lungual har kan ti tawh anih hi. Eng ber hian nge mipui beidawng mekte hi thil tha ti leh thei turin min hruaikhawm ang a, ke min pen tir thei ang le? Pathian tih mi, thil lung taka vei, mahni in bel ngam, vision nei tha leh a taka penchhuak ngam Nehemia an hmuh khan mipui ten beiseina thar neiin hna tha thawk turin an tha an ti chak. Chutiang mi chu kan ram hian hian a mamawh em em chu a ni.

8. Ram leilung fatea theihna awm leh hmanruate haichhuaha hman thiam: Nehemia kha a dinhmun en chuan Jerusalem kulh siamtha tur khan mi thiam tak takte pawh Persia ram hmun hrang hrang atang khan khawm rup rup thei awm a ni a. Mahse, kulh siamtha tur khan a mite ngei, Jerusalem-a mite ngei kha a hmang a. Anmahnia theihna awm te, thiamna awm te, an hnathawh dan te, an phak tawk theuh kha a hmu thiam em em a, an tangkaina hmun tur zelah, mimal, chhungkua, group te a hmang thiam hle tih kan hria a ni (Neh. 3: 1-32). Kan ram siamthat hna pawh hi keimahni ngeiin kan thawk tur a ni. Keimahni ber kutkuanguaha kan thut thluan duai a, pawn lam mite kuta kan inngah mai chuan engtikahmah ram ropui kan thleng lovang. Central zem zen tawm reng ringawt pawh hi a dik thei lo a ni. Keimahni ngeia theihna awm te, kan ram leilung hausakna awmte kan haichhuah a, chu ngei hmanga kan ram hi kan siam a tul tak zet tawh a, chumi tur chuan Nehemia anga hruaitu ngaihna hria leh a mite chhawr thiam hi kan mamawh takzet tawh a ni.

9. Harsatna kara hmalam pan zel: Nehemia khan pawn lam leh chhung lam atangin dodalna nasa tak a hmachhawn a. Sanbalata, Tobia leh Gesema te khan kulh din thar leh hna kha nasa takin an dodal a; an nuihsawh a, an hek a, an phiarru a (Neh. 2:19; 4:7; 6:1ff), chutih mek lai chuan anmahni zingah inhriatthiamlohna a lo awm bawk (Neh. 5:1ff). Nimahsela, dodalna tam tak avangin an hna thawh an thulh chuang lo va, huaisen leh fing takin anmahni tihchhiat leh tihthuanawp tumtute lakah an inveng a. Kut khingkhatin hna an thawk a, a leh lamin hriamhrei an keng a ni (Neh.4:17). Heta ropui em em chu thiltha an tih engmahin a dal zo lo lai kha a ni. He nun tak mai hi kan ram pawhin kan mamawh chu a ni. Thil tha chu kan hria, ti tur pawhin bul kan han tan ve phat phat thin a, mahse rei loteah a thuanawp leh mai thin. Mi tlemte hmasialna avang leh dodalna avangin ram hmasawna tur hi a thuanawp fo va. Thil tha chuan dotu a nei ngei ngei thin tih hi vawng tlat ila, thil tha tih hi dotu leh hmelmate avangin thuanawptir loh hram nise. Harsatna karah pawh kan ram hian hmasawn zel a mamawh si a.

10. Mahni hmasial lo: Nehemia kha Jerusalem-ah kum 12 lai thuneitu ber (governor) in a awm a (Neh.5:14). A hmaa Jerusalem lo awp tawh ten duham taka an lo inhai vur angin a ti ve duh lo va (Neh.5:15). Amah ngeiin, “Ram reng reng lei pawh ka lei lova” (Neh. 5:16) tiin a hma a sial loh zia huai takin a sawi ngam a ni. Jerusalemah thu ber dinhmunah a ding a, mahni inhaivur duh ni sela ropui takin a insiam thei ngei ang. Mahse chung zawng zawng aia a dah pawimawh zawk chu a mission tihhlawhtlin kha a ni. Amah pawh inngaihsak hman reng reng lovin, a tha leh zung theihna zawng zawng Jerusalem kulh siamthat nan a hlan a nih kha. A va han entawn tlak teh lul em!

Mahni aia ram dah pawimawh hmasa thin, theihtawp chhuaha rinawmna fawng vuan tlat mi, hna tak tak thawk thin hi a ni kan ram hian a mamawh ber chu.

11. Pathian hming tih ropui: Pathian nung ringtu inti, an khawpui pawh Pathian khawpui ti hial khawpa chhal a, chapo taka hnamdang Pathian hmaa awm thinte kha; Jerusalem kulh tihchhiat a nih a, salah hruai an nih meuh chuan milem Pathian bia ten an nuihsawh a, anmahni mai nilo, an Pathian ngei pawh sawichhiatin a awm a ni. An mite mai ni lo an Pathian sawichhiata a awm kha Nehemia pawhin a vei em em a. Nehemia thil tum pakhat chu Pathian ropui taka midangte hmuh leh hriata tarlan kha a ni. Dodalna leh tihduhdahna kara kulh dinthar hna an han zo chiah chu Pathian ringlo mi an vela awmte chuan an hlau a, Pathian hnathawh a ni tih an hre ta a ni (Neh.6:16). Kristian ram kan ni a, Pathian zawnchhuah hnam ti hialin kan inchhal thin bawk a. Mizo fate kaltlang hian kan vela mite hian chanchin tha an dawng a, Pathian ropuizia an lo hmu tawh a, an hmu mek bawk a. Chutih mek lai chuan Israel fate angin kan ram dinhmun chhe tak hian Pathian hming a tihliauin, keimahni kaltlang hian kan Pathian hian sawichhiat leh deuh sawh a tawk thei a ni. Keimahni avanga Pathian hming sawichhiata a awm vaih chuan kan hnam hmakhua chu a thim hle ang. Chumi a thlen loh nan chuan kan ram hi Pathian duhzawnga kan enkawl a, kan siam that thuai thuai hi a tul tawh tak zet a ni.

Zofaten kan ram kan tih Mizoram hi Sq. Km. 21,081 chauha zau a ni tih chu kan hre tlangin a rinawm a, hei lo ram dang kan nei chuang reng reng lo tih pawh kan hre tlang theuh awm e. 2011 census-in a tarlan dan chuan mipui 10,97,206 chuah he ramah hian kan awm a, sq. km khatah mi sawmnga leh pahnih (52) zel khawsa ang kan ni. Mipui awm zawng zawng zinga 87% hi Kristian niin, Literacy rate hi 91.58% a ni. Christian state nih chuan engkim mai hi tha leh fel tura beiseina leh ngaihna a awm lian viau mai, nimahsela Setana pawng talna khawvel a la nih miau avang hian, سوالin nasa takin min suasa mek si a nih hi. Kan suahsualna avangin kan khawtlang, chhungkua, ram rorelna, kohhran thleng pawhin kan tla bala, kan chim rem rum mai a nih hi. Dinthar ngaihna, siamthat kan ngaihna hi a va tam teh lul em! Thenkhatte phei chuan din thar leh theih loh hial tura hmuin, beidawnnain an zam a tizal zo tawh a nih hi. Hlauhna in kan khat a, keimahnia thatna la awm ve te pawh hmu thei lo hial khawpin kan mit min tih del sak emawni tih mai tur a ni. Hetiang dinhmuna kan din lai mek hian *Nehemia strategy* hi kan ram siam tha leh tur hian kan mamawh em em chu a ni. Kan ram neihchhun hian Nehemia tluk zeta hmangaih leh veitu a mamawh a. Siamthat theih loh tamtakin ring mahse, Pathian chakna rinchhan chuan theih loh reng reng a awm lo. Hei hi Nehemia atang hian a Chiang hle a ni. Pathian chakna rinchhana kan thawh chuan Jerusalem kulh chim rem rum ang maia awm mek kan ram hi kan siamthain kan dinthar leh ngei ang.